

**На Утрени,****на Бог Господь, тропарь апостолов, глас 4:**

Апостолов первопрестольницы,/ и вселенных учителей,/ Владыку  
всех молитесь,/ мир вселенной дароватьи, // и душам нашим велию милость.  
*дважды.*

*Слава, и ныне, Богородичен:*

Еже от века утаенное,/ и ангелом несведомое таинство,/ Тобою,  
Богородице, сущим на земли явися Бог,/ в неслитном соединении  
воплощаемь,/ и Крест волею нас ради восприим:/ имже воскресив  
первозданного, // спасе от смерти души наша.

**Святым апостолом Петру и Павлу**

Месяца июня в 29-й день

Первый лик поет:

Величаем вас,/ апостоли Христовы Петре и Павле,/ весь мир  
учеными своими просветившия/ и вся концы/ ко Христу приведшия.

Святым апостолом общий

Величаем тя,/ апостоле Христов [имярек],/ и чтим болезни и труды  
твоя,/ имиже трудился еси/ во благовестии Христове.

Паки тойже лик поет:

Небеса поведают славу Божию, творение же руку Его возвещает  
твердь./ Исповедят Небеса чудеса Твоя, Господи./ Вместо отец Твоих  
быша сынове Твои./ Поставиши я князи по всей земли./ Бог богов Господь  
глагола и призвал землю./ От восток солнца жо запад хваляно имя  
Господне./ Осветиша молния Его вселенную,/ возвестиша Небеса правду  
Его,/ и видеша вси людие славу Его./ Князи Иудовы владыки их./  
Воцарися Бог над языки./ Бог прославляемь в совете святых./ Великий и  
страшен есть над всеми окрестными Его./ Рцыте во языцех, яко Господь  
воцарися./ Возвестите во языцех славу Его, во всех людех чудеса Его./ Во  
всю землю изыде вещание их,/ и в концы вселенных глаголы их./ Покорите  
люди нам и языки под ноги наша./ Великий Господь наш и великая крепость  
Его./ Той даст силу и державу людем Своим: благословен Бог.

**Слава, и ныне: Аллилуия: Трижды.**

*Степенна, 1-й антифон 4-го гласа.*

**Прокимен, глас 4:**

**Во всю землю изыде вещание их, и в концы вселенных глаголы их.**

*Стих:* Небеса поведают славу Божию, творение же руку Его возвещает  
твердь.

Всякое дыхание: *Стих:* Хвалите Бога во святых Его:

*Евангелие Иоанна, зачало 67. [Ин. 21, 15 – 25.]*

*По 50-м псалме стихира, глас 6. Самогласна:*

Благочестия истинныя проповедники,/ и Церкви пресветлыя звезды,/  
песнями похвальными почтим,/ Петра камня веры,/ и Павла истинного  
учителя, и таинника Христова:/ сии бо истинное слово всеявше в сердца  
верных,/ всем плодоносию дарующа,/ и молят Христа Бога, // спастися  
душам нашим.

**Канона два.** Творение Иоанна Дамаскина.

*Первый святого апостола Петра, глас 4, со ирмосом на 8: ирмос по дважды, тропари на 6.*

**Песнь 1. Ирмос:** Несть Тебе подобен, препрославленный Господи, рукою бо крепкою избавил еси люди, яже стяжал еси, Человеколюбче.

*Ин канон святого апостола Павла, тропари на 6. Глас 8:*

**Песнь 1. Ирмос:** Посеченый несекомаго пресече, и виде солнце землю, юже не виде: лютаго врага вода потопа, и непроходимое пройде Израиль. Песнь же воспевашеся: Господеве поим, славно бо прославися.

*Катавасиа:* Отверзу уста моя:

**Песнь 3. Ирмос:** Не мудростию и силою, и богатством хвалимся, но Тобою, Отче, Ипостасною мудростию, Христе: несть бо свят, паче Тебе, Человеколюбче.

*Ин. Ирмос:* Ты еси утверждение притекающих к Тебе, Господи, Ты еси свет омраченных, и поет Тя дух мой.

**Песнь 4. Ирмос:** Сей Бог наш, от Девы воплощся, и естество обожив, Егоже воспевающе вопием: слава силе Твоей, Господи.

*Ин. Ирмос:* Всел еси на кони, апостолы Твоя Господи, и приял еси рукама Твоима узды их, и спасение бысть ежднеие Твое верно поющим: слава силе Твоей, Господи.

**Песнь 5. Ирмос:** Стяжавый ны избранныя люди, кровию Твоею, Господи, Твой мир даждь нам, во единомыслии сохраняя стадо Твое.

*Ин. Ирмос:* Просвети нас повелении Твоими, Господи, и мышцею Твоею высокою, Твой мир подаждь нам, Человеколюбче.

**Песнь 6. Ирмос:** В ките, Христе, тридневновав Иона, прописа Тя Безсмертнаго, яко мертва волею, в сердце земнем тридневновавша.

*Ин. Ирмос:* Молитву пролию ко Господу, и Тому возведу печали моя, яко зол душа моя исполнися, и живот мой аду приближися, и молюся яко Иона: от тли Боже, возведи мя.

**Кондак, глас 2:**

Твёрдыя и боговещанныя проповедатели, / верх апостолов Твоих, Господи, / приял еси, в наслаждение благих Твоих и покой: / болезни бо оных и смерть приял еси, / паче всякаго всеплодия, // Едине сведый сердечная.

**Песнь 7. Ирмос:** В начале Безначальное Слово, со Отцем и Духом, Сын Единородный, благословен еси и превозносимый, Боже отец наших.

*Ин. Ирмос:* На поле Деире иногда мучитель пещь постави на мучение богоносных, в нейже три отроки песнословяху Единаго Бога, троично воспевяху глаголюще: отец Боже благословен еси.

**Песнь 8. Ирмос:** Всяческая носяй непреступною Твоею силою, Христе, преподобныя Твоя отроки в пламени оросил еси, зовущия: благословите вся дела Господня Господа.

*Ин. Ирмос:* На горе святей прославльшася, и в купине огнем Приснодевы Моисеови тайну явльшаго, Господа пойте и превозносите во вся веки.

**Песнь 9. Ирмос:** Тя преславную Невесту, и Всесвятую Богородицу, Зиждителя рождшую невидимых же и всех видимых, песнями величаем.

*Ин. Ирмос:* Уставы прешла еси естества, Содетеля зачещи и Господа, и дверь спасения мирови была еси. Тем Тя Богородице, непрестанно величаем.

*Светилен:*

*Подобен:* Жены услышите:

Апостолов вси верх воспоем, Петра и Павла божественныя, вселенныя светильники, проповедники веры, богословныя трубы, учений сказатели, Церковныя столпы, и разорители лести. [Дважды.]